

PWYLLGOR:	IS -BWYLLGOR TRWYDDEDU CANOLOG
DYDDIAD:	20 CHWEFROR 2014
TEITL:	CAIS I AMRYWIO TRWYDDED EIDDO – Y CWRT , STRYD FAWR, BALA
PWRPAS:	ER PENDERFYNIAD
AWDUR:	PENNAETH ADRAN RHEOLEIDDIO

CAIS

Atodir cais i amrywio trwydded Y Cwrt, 62 Stryd Fawr, Y Bala LL23 7AB gan deilydd y drwydded, Maeseoud Anafcheg.

Cyflwynir y cais er mwyn ychwanegu'r gweithgaredd trwyddedig o ddarparu lluniaeth hwyr y nos i'w fwyta a'i yfed oddi ar yr eiddo.

Argymhellir oriau gweithgaredd trwyddedig fel a ganlyn –

	TRWYDDED GYFREDOL	TRWYDDED ARFAETHEDIG
Dyddiau	Oriau darparu lluniaeth hwyr	Oriau darparu lluniaeth hwyr
Sul - Iau		23:00 – 02:00
Gwen - Sad		23:00 - 03:00
	Oriau agor a chau'r eiddo	Oriau agor a chau'r eiddo
Llun - Iau	11:00 – 02:30	11:00 – 02:00
Gwen - Sul	11:00	11:00 – 03:30

Manylion trwydded gyfredol

Yr amseroedd yr awdurdodir y gweithgareddau trwyddedig <i>The times the licence authorises the carrying out of licensable activities</i>		
(e) Cerddoriaeth Byw Dan do		(e) Live Music Indoors
Dydd Llun i Ddydd Sul	17.00 – 00.00	Monday to Sunday
Holl Wyliau Banc yn cynnwys Noswyl a Dydd Nadolig. Oriau a ganiateir ar Nos Galan (36awr)	17.00 – 02.00	All Bank holidays including christmas eve & Day Permitted hours for Newyears eve (36hrs)
(f) Cerddoriaeth wedi'i recordio		(f) Recorded Music
Dydd Llun i Ddydd Sul	17.00 – 00.00	Monday to Sunday
Holl Wyliau Banc yn cynnwys Noswyl a Dydd Nadolig. Oriau a ganiateir ar Nos Galan (36awr)	17.00 – 02.00	All Bank holidays including christmas eve & Day Permitted hours for Newyears eve (36hrs)
m) Manwerthiant o alcohol		m) Sale by retail of alcohol
Dydd Llun i Ddydd Iau	11.30 – 02.00	Monday to Thursday
Dydd Gwener i Ddydd Sul	11.30 – 03.00	Friday to Sunday
Nadolig. Oriau a ganiateir ar Nos Galan (36awr)		Permitted hours for Newyears eve (36hrs)

Oriau agor yr eiddo / The opening hours of the premises		
Dydd Llun i Ddydd Iau	11.00 – 02.30	Monday to Thursday
Dydd Gwener i Ddydd Sul	11.00 – 03.30	Friday to Saturday
Oriau a ganiateir ar Nos Galan (36awr)		Permitted hours for New Years Eve (36hrs)

Cais man amrywiad

Yn wreiddiol , cyflwynwyd cais gan yr ymgeisydd fel cais am fan amrywiad ar y 26 o Fawrth 2013. Fe ddaeth cyfnod ymgynghori ar y cais i ben ar y 23ain o Ebrill, ac oherwydd i'r Heddlu a swyddogion y Cyngor dystio na fu i'r hysbyseb gael ei arddangos ar yr eiddo yn unol â gofynion Y Ddeddf Drwyddedu 2003, fe ofynnodd y swyddog trwyddedu i'r ymgeisydd ail hysbysebu'r rhybudd ar yr eiddo.

Fe ddaeth y cyfnod derbyn sylwadau i ben yr ail waith ar y 23ain o Fai 2013. Oherwydd i wrthwynebiad gael ei gyflwyno gan ddau aelod o'r Cyhoedd ac i'r Heddlu gyflwyno tystiolaeth a oedd yn cadarnhau pryderon y preswylwyr cyfagos; penderfynwyd gofyn i'r ymgeisydd ail gyflwyno cais fel cais amrywio llawn, fel bod unrhyw wrthwynebiad, a sylwadau gan yr Heddlu yn cael ei gyfeirio er ystyriaeth y Pwyllgor hwn.

Cais amrywiad llawn

Fe dderbyniwyd cais am amrywiad llawn gan yr ymgeisydd ar yr 8fed o Orffennaf 2013.

Cyn i'r cyfnod ymgynghori ddod i ben ar y cais ar 9fed o Awst , cafwyd cadarnhad nad oedd y cais wedi ei hysbysebu mewn papur newydd lleol yn ystod y cyfnod ymgynghorol yn unol â gofynion y Ddeddf. Hysbyswyd yr ymgeisydd gan y swyddog trwyddedu fod yn ofynnol iddo ail ymgynghori yn llawn ar y cais, gan arddangos copi o'r rhybudd ar yr eiddo ynghyd ag arddangos hysbyseb mewn papur newydd lleol. Yn ôl yr arfer , fe baratôdd y swyddog trwyddedu gopi o'r rhybudd newydd ai yrru i'r ymgeisydd. Roedd y cyfnod ymgynghori wedi ei ymestyn yn awr gyda dyddiad cau o 27 o Awst ar gyfer sylwadau.

Yn ystod y cyfnod ymgynghoriad fe ddaeth yn amlwg nad oedd yr hysbyseb wedi ymddangos yn y wasg, ac fe ymestynnwyd y cyfnod ymgynghori eto , gyda'r 16 o Fedi fel dyddiad cau diwygiedig ar gyfer derbyn sylwadau, er mwyn darparu digon o gyfle i'r ymgeisydd hysbysebu ar yr eiddo, ac yn y wasg.

Ar y 29 o Awst , derbyniwyd cadarnhad gan yr Heddlu fod yr hysbyseb wedi ymddangos yn y Cambrian News, ar y diwrnod hwnnw. Er bod yr hysbyseb wedi ei arddangos yn y wasg, roedd y dyddiad yn yr hysbyseb yn gofyn am sylwadau cyn y 29 o Fedi. Yn ogystal , fe ddaeth i'r amlwg yn ystod y cyfnod hwn nad oedd y rhybudd wedi cael ei arddangos yn unol â'r gofynion ar yr eiddo.

Ar waethaf y ffaith fod swyddogion yr Uned Drwyddedu wedi cael sawl sgwrs gyda'r ymgeisydd parthed yr angen i hysbysu'r cais yn gywir, ac arddangos rhybudd o'r hysbyseb - ni lwyddwyd i wneud hynny.

Fe hysbyswyd yr ymgeisydd eto ar y 21 o Hydref fod rhaid i'r Uned Drwyddedu dderbyn tystiolaeth ei fod wedi arddangos y rhybudd yn gywir ar yr eiddo.

Fe ddechreuwyd y cyfnod ymgynghori eto ar y cais ar y 21o Hydref. Rhoddwyd addewid gan yr ymgeisydd y byddai tystiolaeth yn cael ei gyflwyno i ddangos fod y rhybudd wedi ei arddangos ar yr eiddo yn gywir.

Roedd yr ymgeisydd yn anfodlon nad oedd y cais wedi ei gyfeirio at y Pwyllgor hwn er penderfyniad. Roedd rhaid gohirio gwrandawriad ar y cais a drefnwyd ar gyfer 18 o Ragfyr , 2013, oherwydd nad oedd yr ymgeisydd wedi darparu tystiolaeth fod y rhybudd wedi ei arddangos ar yr eiddo mewn digon o bryd .

Fe dderbyniwyd y dystiolaeth gan yr ymgeisydd ar y 4ydd o Ragfyr.

Rhybuddion Digwyddiadau dros dro

Fe gynghorwyd yr ymgeisydd fod ganddo'r hawl i ymestynaid dros dro ar oriau darparu lluniaeth hwyr y nos i fyny i 11 achlysur mewn blwyddyn drwy'r broses o gyflwyno Rhybuddion Digwyddiadau Dros dro. Fe gyflwynwyd 9 Rhybudd Dros Dro gan yr ymgeisydd rhwng mis Awst 2013 a diwedd mis Rhagfyr. Fe ganiatawyd darparu lluniaeth hwyr y nos i'w fwyta oddi ar yr eiddo ar yr achlysuron isod –

Dyddiadau Rhybuddion digwyddiadau dros dro	Amser darparu lluniaeth hwyr y nos
9 a 10 Awst 2013	23:00 – 02:30
16 a 17 Awst	23:00 – 02:30
23, 24, 25 , 26 Awst	23:00 – 02:30
30 a 31 Awst	23:00 – 02:30
14 Medi	23:00 – 02:30
21 Medi	23:00 – 02:30
20 a 21 Rhagfyr	23:00 – 03:00
26 Rhagfyr	23:00 – 03:00
28, 29 , 30, 31 o Ragfyr	23:00 – 03:00

Crynodeb o'r sylwadau a dderbyniwyd i'r ymgynghoriad ar y cais

Derbyniwyd sylwadau ar y cais oddifewn i'r cyfnodau ymgynghori, fel a ganlyn –

YMATEBION	SYLWADAU
Heddlu	E byst - sylwadau a thystiolaeth
Preswylwyr cyfagos	2 e bost - gwrthwynebu
gwesty cyfagos	3 ffurflen sylwadau, 2 e bost , sylwadau a gwrthwynebiad
Parc Cenedlaethol Eryri	1 llythyr , sylwadau
Gwasanaeth Tan ac Achub	Llythyr, dim gwrthwynebiad

Heddlu Gogledd Cymru

Fe dderbyniwyd tystiolaeth gan yr Heddlu yn cadarnhau fod galwadau wedi eu derbyn gan breswyllydd lleol yn datgan fod cwsmeriaid yn dod allan o'r eiddo gyda bwyd wedi 11:00 y nos, yn groes i'r hyn a ganiateir ar y drwydded gyfredol.

Nodir yn e byst yr Heddlu fod yr ymgeisydd wedi ei atgoffa o'r angen i weithredu oddi fewn i amodau ei drwydded gyfredol.

Yn ogystal â hyn mae'r Heddlu yn cadarnhau fod yr un preswyllydd wedi gyrru lluniau o focs bwyd a gwydrau ar y stryd tu allan i'r eiddo; sydd yn awgrymu fod yr amcan trwyddedu o atal niwsans cyhoeddus yn cael ei danseilio.

O safbwynt y penwythnosau lle caniatwyd ymestyniad oriau i ddarparu lluniaeth hwyr y nos dros dro - nodir fod yr Heddlu wedi derbyn un galwad am 3:18 y bore ar y 26 o Awst. Roedd y cwynydd yn cwyno am y lefel sŵn uchel yn dod o'r Stryd Fawr yn y Bala.

Nodir hefyd fod achlysuron eraill o anrhefn wedi dos i sylw'r Heddlu; mewn perthynas ag ymddygiad pobl ar y Stryd Fawr yn Bala yn gyffredinol yn hwyr y nos; ond ni ellir cysylltu'r digwyddiadau hyn yn uniongyrchol a'r Cwrt.

Preswylwyr a busnes cyfagos

Mae dau breswyllydd cyfagos, ac unigolion yn cynrychioli gwesty cyfagos yn gwrthwynebu'r cais ar sail yr amcanion trwyddedu –

- Atal trosedd ac anrhefn
- Atal niwsans cyhoeddus
- Diogelwch y cyhoedd

Fe ddisgrifir achlysuron lle mae cwsmeriaid wedi eu tystio i fod yn gadael yr eiddo gyda bwyd , ar ôl oriau y caniateir yn y drwydded. Fe geir disgrifiadau o ymddygiad gwrthgymdeithasol gan

gynnwys cwffio, gwneud dŵr mewn man cyhoeddus a gweiddi, tu allan i'r eiddo rhwng 2 a 4 y bore ar benwythnosau.

Parc Cenedlaethol Eryri

Derbyniwyd sylwadau gan yr Awdurdod, mewn perthynas â statws cynllunio'r eiddo. Gan na ellir rhoi ystyriaeth i faterion cynllunio mewn perthynas â'r broses o ystyried ceisiadau am drwydded; nid yw'r Awdurdod yn gwrthwynebu'r cais.

Noder fod amod 7 o ganiatâd cynllunio'r eiddo yn caniatáu i'r eiddo fod yn agored rhwng 7 y bore a hanner nos.

ARGYMHELLIAD

Gofynnir i'r Is-bwyllgor ystyried y cais yn unol â gofynion y Ddeddf Trwyddedu 2003.

Yn benodol , gofynnir i'r Is Bwyllgor ystyried os yw y cais wedi ei gyflwyno yn unol â gofynion y ddeddf ac wedi derbyn ymgynghoriad priodol.

Argymhellir hefyd fod ystyriaeth yn cael ei roi i'r dystiolaeth a gyflwynir gan breswylwyr , gan unigolion o westy cyfagos a gan yr Heddlu.